

UGOVOR
Za nabavku namještaja za aneks

između:

1. **USTAVNI SUD BOSNE I HERCEGOVINE** sa sjedištem u Sarajevu, ul. Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine Nataša Vuković (u daljnjem tekstu: **Naručilac**)

i

2. **INTER-COM d.o.o. Zenica**, ulica Vrandučka br. 71b, Zenica, kojeg zastupa Safet Škaljić dipl.oec, direktor (u daljnjem tekstu: **Isporučilac**)

Član 1.

Predmet ugovora je nabavka i isporuka namještaja za aneks za potrebe Naručioca, prema definisanim uslovima iz tenderske dokumentacije broj SU-08-414-4/23 od 11. jula 2023. godine i prema sadržaju ponude broj 104-0A/23 od 1. avgusta 2023. godine sa kojom je Isporučilac učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Ukupna cijena za nabavku iz člana 1. ovog ugovora, definisana nakon e-aukcije, iznosi 3.069,00 KM bez PDV-a, odnosno 3.590,73 KM sa PDV-om.

Pojedinačne cijene, definisane nakon e-aukcije, iznose:

- Za stavku 1) 1.709,00 KM bez PDV-a, odnosno 1.999,53 KM sa PDV-om;
- Za stavku 2) 1.360,00 KM bez PDV-a, odnosno 1.591,20 KM sa PDV-om.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će izvršiti isporuku i montažu robe u skladu sa članom 1. ovog ugovora u prostorije Naručioca, najkasnije 90 dana od dana zaključenja ugovora.

Isporučilac se obavezuje dostaviti robu Naručiocu, u traženim količinama i u dogovoreno vrijeme, kvalitete koja odgovara kvaliteti iz ponude Isporučioca.

Sve troškove u vezi sa dostavom po ovom ugovoru snosi Isporučilac.

Član 4.

Isporučilac garantuje da isporučena roba nema nedostataka ili grešaka u konstrukciji i montaži i da je prikladna za upotrebu. U slučaju uočenih nedostataka, Naručilac će u roku od 10 (deset) dana od dana isporuke i montaže pismeno obavjestiti Isporučioca, koji je dužan popravku izvršiti u roku od 20 dana od dana obavjesti ili zamijeniti proizvod drugim, iste vrijednosti i u ispravnom stanju.

Isporučilac garantuje ispravno funkcioniranje isporučene robe u garantnom roku od 12 (dvanaest) mjeseci od dana isporuke i montaže. Tokom garantnog roka Isporučilac će, po pozivu Naručioca i o svom trošku, otkloniti sve nedostatke, koji su posljedica slabe kvalitete isporučene robe odnosno izvršiti zamjenu ukoliko je nedostatak takve prirode da se ne može otkloniti.

Naručilac se obavezuje da će se pridržavati uputa za upotrebu i održavanje isporučene robe i da će je koristiti isključivo u svrhe za koje je namijenjena. U suprotnom, Naručilac gubi pravo na garanciju.

Član 5.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po kvalitativnom i kvantitativnom prijemu robe bez primjedbi i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 6.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.


Ovaj ugovor stupa na snagu danom potpisivanja od strane ovlaštenih lica ugovornih strana.

Član 9.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA

Safet Škaljić dipl. oec.



Direktor

Broj: 343-09/23

02.09.2023 god.

ZA NARUČIOCA

Nataša Vuković

Generalni sekretar

Ustavnog suda Bosne i Hercegovine

Sarajevo, 6. septembra 2023. godine

Broj: SU-08-414-11/23